

ւազ սեղանն է յանուն Յովհաննու Աւետարանչի. աջակողմինը՝ Չարչարանաց եւ կապանաց Քրիստոսի, ձախակողմինը՝ յանուն Հօրն Արքահամու եւ զենման Իսահակի: Աջակողման փոքր սեղանին մէջ կը զըտնուի չարչարանաց սիւնին մէկ կտորը՝ որուն վրայ կապեցին Յիսուսը կայիափայի տան մէջ. և զոր հաւատացեալք կը համբուրեն ի յիշատակ Քրիստոսի չարչարանաց (Ո. Ս. Տ. էջ 69):

Ըստ աւանդութեան, կը յիշատակուի թէ Քրիստոսի սիրելի աշակերտը՝ Յովհաննէս Աւետարանիչ այստեղ կանգնած էր Յիսուսի խաչելութեան ժամանակ: Կրիզոստոմոսը Պարոնտէր պատրիարքը 1631 ին մեծ աշխատութեամբ կառուցանել տուած է այս մատրան կամարը (Հան. էջ 216). 1849 ին ալ Կիրակոս պատրիարք նորոգել տուած է մատրանս ներքին կողմը (Ո. Ս. Տ. էջ 69):

Կ'աւանդուի թէ՛ այս եկեղեցիին դրան առջև այլազգիները այրած են նահատակ մը քրիստոնէական հաւատքին համար. և կ'ըսուի թէ նոյն նահատակին ոտքի հետքերը կ'երեւին տեղւոյն քարերուն վրայ, ի նշան հրաշից: Ոմանք կ'ըսեն թէ նահատակուողը Բագոսն է՝ որ թաղուած է Սիոնի մէջ (Հան. էջ 216(*)):

7. Հայր Աբրահամու վանք. — Հայոց Ս. Յովհաննու եկեղեցիին մօտը կայ վանք մը Հայր Աբրահամու անուամբ, որուն դուռը մեր եկեղեցիին դրան կարգին է, ունի երկու եկեղեցի, մին մեծ՝ վարը, միւսը

(*) Բագոսի գերեզմանը զոյց կը տուի Սիոնի գերեզմանասան մէջ, հայոց Ս. Փրկչի վանքին արեւմտեան կողմը, փոքր որով մը տքայապսուած, որ Սիոնի այլազգիներուն ձեռքն է եւ որոնց լեզուով կը կոչուի **Շէլխ-էլ-Մէնսի (ժ. Պ. Ե. Ա. հաս. էջ 120):**